

ETORLUR GIPUZKOAKO LURRA, S.A.U.

KUDEAKETA-TXOSTENA

2017ko ekitaldia

Etorlur Gipuzkoako Lurra SA, 1990eko apirilaren 25ean eratu zen Urnieta Lantzen, SA izenarekin. Bere helbide soziala eta fiskala Gipuzkoako Foru Aldundiaren Jauregian du (Donostiako Gipuzkoa Plaza z/g) eta lantokia, Hernaniko Ibaiondo Poligonoa 27-1. solairuan (1.2 eta 1.7 bulegoak).

2017ko itxieran, bere kapital soziala 21.604.392 eurokoa da, berdinak eta zatiezinak diren 6 euroko balio nominala duten 3.600.732 akzio izendunetan ordezkatura, guztiz harpidetuak eta ordainduak daudenak eta bere titulartasuna osoki Gipuzkoako Foru Aldundiari dagokio. Sozietatea, Ekonomia Sustapena, Landa Ingurunea eta Lurralde Oreka departamentura adskribatuta dago.

2016ko maiatzean Zuzendari Nagusia-Kudeatzaila kontratatu zenetik, Sozietateak bederatzi langile ditu.

Sozietateak garatzen dituen jarduerak, hiru jardunbide nagusitan koka daitezke: Landagipuzkoa+ programa, landa garapena eta Sozietatearen aktiboaren kudeaketa.


2016-2019 ekitaldietan Sozietatearen jardura nagusia **Landagipuzkoa+ Programa** da. Ekonomia Sustapena, Landa Ingurunea eta Lurralde Oreka departamentuak Landagipuzkoa+ programa abian jarri du, Gipuzkoako Foru Aldundiaren 2015-2019 Kudeaketa Plan Estrategikoan jasotzen den moduan (2015eko irailaren 29ko Diputatuen Kontseiluan onartua). Landagipuzkoa+ Programak lau lan ildo ditu:

▪ 2.500 biztanletik beherako 49 udalerrientzat

1. 2019. urterako banda zabal ultra-azkarra sartzeko 49 udalerrietan: Gipuzkoako Foru Aldundiak konpromisoa hartzen du udalerri txikien eta bere biztanleen eskura jartzeko informazioaren eta komunikazioaren azken teknologiak, sare ultra azkarrak hedatuz.
2. Ekonomia suspertzeko proiektu estrategikoak: Gipuzkoako Foru Aldundiak, existitzen diren enpresak sendotzeko eta jardura ekonomiko berriak sortzeko proiektuak sustatzen ditu.

▪ Gipuzkoako landa inguruarentzat

1. Landa bideen hobekuntza, udalerrien eta bertako biztanleen komunikazioa eta bizi-kalitatearen garapena bultzatzeko, Udalek lehenetsitako landa bideetan hobekuntzak eginez diru-laguntzen bitartez.
2. Argindar sarea berrizatzeko plana martxan jartzea. Iberdrola Distribución enpresarekin sinatutako hitzarmen baten bidez 37 transformadore berri jartzea eta tentsio altu eta baxuko lineak eta linea elektrikoa berritzea.



Sozietateak, aipatutako programaren inguruan lanean dihardu bere helburua kontutan izanik: *Landa ingurunean hiri ingurunearen antzeko zerbitzuak (integralak) eta gizarte ongizatea lortzea, biztanleriari eusteaz gain, landa eremuak erakargarri eta lehiakor egiteko (Lurralde Oreka).*

Era berean, Sozietatearen xedea da Gipuzkoako Lurralde Historikoko **nekazaritzako lurra eskuratzea eta kudeatzea**. Helburu horrekin, ondorengoak dira xedeaosatzen duten jarduerak:

a) Nekazaritzako lurra eskuratzea eta eskualdatzea, Zuzenbidean onartutako edozein formularen bidez, hala nola, era horretako lurra kudeatzea.

b) Zuzenbidean onartutako edozein formularen bidez, Gipuzkoako Lurralde Historikoko Toki Erakundeen landa-eremuetako ondarearen kudeaketan parte-hartu, hala nola, inbertsioen exekuzioan eta gauzatzean.

c) Nekazaritzako lurretan eraikitako azpiegituren ondorioz sortutako afekzioen kudeaketan parte-hartu eta aholkua eman bertako eraikuntza-proiektuak hobetzeko.

d) Gipuzkoako landa-eremua garatzeko azpiegituren ezarpena eta hobekuntza sustatu; bai azterketa eta proiektuak idatziz eta arlo tekniko, finantzario eta kudeaketa arloetan aholkua emanez, bai beharrezkoak diren ekintza zuzenetan.

Sozietatearen aktiboaren kudeaketari buruz esan, bere aktiboan jasotzen direla hainbat bulego (Orbegozo Eraikina), etxebizitza (Nuarbe eta Beizama) eta lurzoru (La Florida eta Intsausti). Ildo estrategiko honen helburua aktibo hau kudeatzea da, alokairu politikari jarraipena emanez, etxebizitza eta bulegoak politika honetara bideratu direlarik, eta bere jabetzakoak diren lurzoruei irtenbide ez espekulatzaileak bilatuz.

▪ **2017. URTEAN ZE HAR GAUZATUTAKO EKINTZA NAGUSIAK**

a) Landagipuzkoa+ Programa

Landagipuzkoa+ programaren helburua (lehen sektoreari zuzendua eta Ekonomia Berrindartzeko Planaren barne), landa-ingurunean hiri-ingurunearen antzeko zerbitzuak eta gizarte ongizatea lortzea da. Horretarako, lau jarduerak ildo ditu: Banda Zabal Ultra-azkarra eta Ekonomia Suspertzeko Proiektu Estrategikoak garatuko dituen (biak 2.500 biztanletik beherako udalerri zuzenduak) eta Baserri Bideak konpontzeko Plana eta Argindar Sarea berritzeko Plana (lurraldeko landa inguruneari zuzendua).

Sozietateak Gipuzkoako Foru Aldundiaren berezko bitartekoaren zerbitzu teknikoaren izaera du, eta departamentuaren esanetara dago lau lan ildo horien garapen egokirako beharrezkoa den guztian laguntzeko. Halaber, erlazio estua dauka Udalerriekin eta Ekonomia Sustapena, Landa Ingurunea eta Lurralde Oreka departamentuekin koordinatuta lan egiten du, lurralde oreka lortzera bideratutako jarduerak sustatzeko.

2017an burutu diren jarduerak ondorengoak dira:

Sozietatea, **Banda Zabal Ultra-azkarra** programan lanean ari da. Programa horrekin Informazioaren eta Komunikazioaren Teknologiaren garapena herri-guneetara zabaltzea nahi da (eta baita herri-gunetik 2 kilometroko zabalkuntza batera ere). Aurreikusten da, legealdi honetan 2.500 biztanletik beherako 49 udalerrietara iristea.

Sozietatea, eremu-ikerketa egiten ari da banda zabal ultra-azkarraren hedadurari buruz hainbat udalerritan, programaren exekuzioan aurrera egin ahal izateko.

Ekonomia suspertzeko eta gure enpresen lehiakortasuna sustatzeko eta erakargarri bihurtzeko helburuarekin, **Proiektu Estrategikoak** bultzatuko dira. Horretarako, proiektu estrategikoak abian jarriko dira, existitzen diren enpresak indartzeko eta jarduera ekonomiko berriak sortzeko, lanpostu berriak sortzeko helburuarekin.

Horretarako, funtsezkoa da Udalen lankidetzeta eta horregatik, azken hilabeteetan, Gipuzkoako Foru Aldundiko Lurralde Oreko Zuzendaria eta Etorlurreko Zuzendari Nagusia-Kudeatzailea 2.500 biztanletik beherako 49 udalerriekin elkartu dira, beraien ekimenak eta proiektuak ezagutzeko. Horiek aztertu eta ondoren, bideragarriak direnak zehaztuko dira.

Landa bideen hobekuntzaren inguruan, Ekonomia Sustapena, Landa Ingurunea eta Lurralde Oreka departamentuak 2017ko martxoaren 3ko Gipuzkoako Aldizkari Ofizialean plazaratu ditu Gipuzkoako Lurralde Historikoko landa bideentzako laguntzen oinarri arautzaileak eta 2017ko deialdia, eta bere xedea da landa ingurunean bizi direnen kalitatea hobetzea eta lehenengo sektorearen garapena sustatzea, hainbat zerbitzu eskura ditzaten, irisgarritasuna eta, oro har, garraioa hobetuz eta nekazaritzako azalerak hobeto ustiatzeko aukera emanez.

Sozietateak Ekonomia Sustapena, Landa Ingurunea eta Lurralde Oreka departamentuarekin batera diru-laguntza horren kudeaketan lan egin du; Udalei informazioa emanez, jasotako eskaera anitzak aztertzen (eskatutako baldintzak betetzen diren edo zuzendu behar diren begiratzuz), eta azkenik exekutututako obra guztiak bisitatuz, obraren exekuzioa egokia izan dela egiaztatzeko, ondoren dagokion diru-laguntza ordaintzeko.

Azkenik, **Argindar sarea berriztatzeko planari** buruz adierazi, 2016ko uztailaren 28an Gipuzkoako Foru Aldundiak eta Iberdrola Distribución Eléctrica enpresak, lankidetzeta hitzarmena sinatu zutela energia elektrikoaz hornitzeko, gaur egungo azpiegiturekin energia eskakizunei aurre egiteko zailtasunak dituzten landa-eremuak, eta Gipuzkoako Lurralde Historikoko sare-egitura berriztatzeko.

Behin hitzarmena sinatuta, Iberdrolari aurkeztutako eskariak aztertu eta lanak exekututuko dira proiektu bakoitzaren lehentasunaren arabera. Aldundia, alderdi teknikoaz gain, baimenen alderdi burokratiko arintzeko lan egiten ari da, eta behar den kasuetan dagokien baimenak kudeatuko ditu partikularren eta udalen artean. Azken lan horretan laguntzen dio Sozietateak departamentuari eta horrez gain, partikularrei aholkularitza eskaintzen die diru-laguntzaren kudeaketan.

b) Landa garapena

Sozietatea gaur egun Ekonomia Sustapena, Landa Ingurunea eta Lurralde Oreka departamentura adskribatuta dago eta xede du *“Gipuzkoako landa-eremua garatzeko azpiegituren ezarpena eta hobekuntza sustatu; bai azterketa eta proiektuak idatziz eta arlo tekniko, finantzario eta kudeaketa arloetan aholkua emanez, bai beharrezkoak diren ekintza zuzenetan”* eta *“Gipuzkoako Foru Aldundiaren berezko bitarteko eta zerbitzu teknikoaren izaera du, sozietateari mandatuak egiteko ahalmena emanez”*.

Horren harira, 2016ko otsailaren 23an Sozietatearen Administrazio Kontseiluak, Gipuzkoako Foru Aldundiak egindako mandatua onartzen du, **Aiako Ibarrola Finkan** behi haragitarako arraza anitzeko zentro bat lortzeko inbertsioak exekutatzeko.

Apirilaren 26an Sozietateak "Aiako udalerrian kokaturiko, behi haragitarako testatze zentroan instalazioen zabalkuntza" obra exekutatzeko publizitaterik gabeko prozedura negoziatua hasten du eta maiatzaren 31an obra horien esleipena Construcciones Egurki Eraikuntzak SL enpresari esleitzea onartzen du.

Gerora sortutako eta aurreikusi ezin ziren arazo objektiboengatik, hasierako proiektua aldatzeko beharraren aurrean, 2017ko apirilaren 5ean, Sozietatearen Administrazio Kontseiluak, Jose Maria Echeveste Odriozolak idatzitako proiektu osagarria onartu du eta 2017ko apirilaren 18an, Egurki Eraikuntzak S.L.rekin sinatutako hasierako kontratuari dagokion dokumentu osagarria sinatu da eta horrekin, lanak 458.846,27 eurotan (BEZa salbu) egiteko konpromisoa ezarri da.

Bestalde, 2017ko maiatzaren 3an, "Aiako udalerrian kokaturiko behi haragitarako testatze zentrorako instalazio elektrikoaren" obrak exekutatzeko kontratua sinatu da Aranburu Argi Lanak, S.Koop. enpresarekin.

Azkenean, 2017ko urriaren 16an, eraikuntza lanen jasotze akta sinatzen da.

2017ko abenduan, Foru Gobernuaren Kontseiluak, Sozietatearen alde onartu du:

- . alde batetik, Aiako testatze zentroa lortzera zuzenduta, inbertsioak egiteko hasieran sinatutako kudeaketa mandatuaren hitzarmenaren eranskina. Horretarako, Sozietatearen alde jartzen ditu 46.601,51 €, hau da, mandatuaren helburu den proiektuaren exekuzioan izandako desbiderapenari dagokion gastua.

- . bestalde, 31.477,18 euroko kudeaketa mandatu bat zenbait lan osagarriren exekuziorako.

Jarduera ildo berean, Gipuzkoako **mendi-larreen kudeaketa** zerbitzuak kontratatzen jarraitzeko beharra ikusi du Sozietateak; aipatutako larreek ez daukatelako ez abereen ezta egindako azpiegituren jarraipenik edo kontrolik eta baita ere, parte-hartzen duten agente guztien arteko elkarlana eta koordinazioa ere ez dagoelako.

Horren harira, 2016ko abenduan, Sozietateak onartzen du zerbitzu horiek Jon Zubizarreta Aldaiari esleitzea, 90.100 euroko zenbatekoagatik (BEZa salbu) eta 24 hilabeteko epearekin. Horrela, 2017 urtean zehar, Sozietateak aipatutako zerbitzuaren kostua (54.510,50 € BEZa barne) bere gain hartu du, eta horretarako Ekonomia Sustapena, Landa Ingurunea eta Lurralde Oreka departamentutik beharrezko diru-ekarpena jaso du.

Bestalde, bai **Idiazabalgo Udalaren** eta bai Sozietatearen ustez, bi erakundeen arteko elkarlanak mendi-larreetakoko kudeaketa hobetu dezake, eta horregatik, 2017ko maiatzean, bi aldeen artean lankidetzat hitzarmena sinatu da; bere indarraldia 2017ko urtarrilaren 1etik 2017ko abenduaren 31 arte delarik (tazituki urte naturaletan luzatutzat joko da). Hitzarmenaren arabera, Udalak bere baliabide guztiak Sozietatearen eskura jartzen ditu eta honek, 50.000 € ordaintzen dizkio Udalari. Kostu honi aurre egiteko, Sozietateak, 2017 ekitaldian, 50.000 € jaso ditu Ekonomia Sustapena, Landa Ingurunea eta Lurralde Oreka departamentutik.

Aurrekoarekin bat etorri eta bere xede sozialaren esparruan, Sozietateak beharrezkoa ikusten du jarduera ildo hori indartzea. Gipuzkoako mendi-larreen kudeaketaren hobekuntza eragina izan dezaketen dinamika berriak erakartzeko helburuarekin, beharrezkoa ikusten da bertan parte hartzen duten agente guztien elkarlana eta koordinazioa sustatzea. Helburua da, landa ingurunea kudeaketa jasangarri baten bidez bultzatzea.

2017 urtean zehar, eta **Hernio-Gazume eta Berastegiko Gorosmendi-Ipuliño** eremuetako larreen hobekuntza lanak gauzatu eta larre horietan interesatuta dauden abeltzainen esku jartzeko helburuarekin, Sozietatea, eremu horietako lur-jabeekin harremanetan jarri da eta hainbat kontratu pribatu sinatu ditu. Horretarako, Gipuzkoako Foru Aldundiak, Sozietatearen alde, larreak hobetzeko lanak egiteko kudeaketa mandatua formalizatzeko hitzarmena onartu du, 70.000 euroko zenbatekoa baimenduz; 50.000 € Hernio-Gazumerako eta 20.000 € Berastegiko Gorosmendi-Ipuliñorako. 2017ko abenduan, Hernio-Gazume mendian garbiketa lan batzuk egin dira.

Baita ere, aipatu behar da, 1940-z geroztik artzaintza lanak egitera Ameriketako Estatu Batuetara joan ziren pertsonen buruzko dokumentazio-lana egiten ari dela Sozietatea.

Azkenik, komentatu, 2010eko apirilaren 23an Sozietatea eta Bidegi Gipuzkoako Azpiegituren Agentzia-Agencia Guipuzcoana de Infraestructuras, S.A.-ren artean sinatutako hitzarmenaren arabera, Sozietateak hasera eman zila Urnietako **Arizmendi agroaldearen** egokitzapen lanei. Gipuzkoako Foru Aldundiaren lursailak dira, 2010eko urtarrilean, 30 urteko iraupena duen usufruktu eskubidean Sozietateari laga zitzaizkionak. Behin egokitzapen lanak bukatuta, bost partzela erresultanteak alokairuan uzten dira, baratze-ustiapenera bideratzeko asmoz. 2017 ekitaldiaren itxieran, bost partzelak alokatuta daude.

c) Sozietatearen aktiboaren kudeaketa

Sozietatearen aktiboaren kudeaketari buruz, zehazki alokairu politikari buruz, Sozietatea ildo hau bultzatzeko beharrezkoak diren ekintzak burutzen ari da.

2017 urtean zehar, Sozietateak **Orbegozoko bulego** gehienak (lehenengo solairuko 1.2 eta 1.7 bulegoak izan ezik, sozietateak erabiltzen dituenak), behe solairuko bi komertzial lokalak eta hamar garajeetako bi, alokatuak izan ditu. 2017ko urtarrilean, lehen solairuko errentari batek 1.3 bulegoa libre utzi du, berau, maiatzean berriro alokatu delarik.

2017 ekitaldian, bulegoen alokairuetatik lortutako diru-sarrerak, 197.151,30 euro izan dira. Bestalde, bere gain hartutako gastuak, bulegoen amortizazioa kontutan hartuta, 116.352,31 eurokoak izan dira.

Alokairu politikarekin jarraituz, eta etxebizitzetara dagokienez, 2017ko ekaina eta urria bitartean, **Nuarbeko** (Azpeitia) hiru etxebizitzak libre gelditu dira. 2017 bukaeran, oraindik alokatu gabe daude. **Beizaman** duen etxebizitza bakarra berriz, urte osoan zehar alokatuta egon da.

Sozietateak 2017an izan dituen diru-sarrerak etxebizitzak alokatzeagatik 12.475,65 eurokoak izan dira. Bere gain hartu behar izan dituen gastuak baino zenbateko txikiagoa (27.766,38 euro, etxebizitzaren amortizazioa eta libre gelditu diren hiru etxebizitzaren konponketa eta mantenu lanak barne).

La Floridako lurzoruari dagokionez (Landare lurzoruarekin bat ulertuaz), 2015eko ekainaren 23an eskritura publikora goratzen da 2014ko otsailaren 3an Sozietateak eta Hernaniko Udalak sinatutako “Lankidetzarako hirigintza-hitzarmena”. Ekitaldi berean, aipatutako Hitzarmenean jasotzen diren obligazioak formalizatzen eta betetzen dira.

Alde batetik, Sozietateak Hernaniko Udalaren alde, “Landare Toki” finkaren gozamen-eskubide erreal bat eratzen du 30 urtetako epearekin.

Bestalde, Sozietateak konpromisoa hartzen du Hernaniko Udalarari emateko babes ofizialeko lau etxebizitza (berauren balioa ez delarik 527.309 euro baino gutxiagokoa izango) eta 327.400 eurotan

balioetsitako 600 m² lokal bat emateko. Babes ofizialeko lau etxebizitzak entregatuko direla ziurtatzeko, sozietateak 527.309 eurotako banku-abal bat eratzen du.

Gozamen-eskubide horren sinadurarekin eta goian aipatutako higiezinak ematearekin, Hernaniko Udalak, Sozietateak Ibaiondoko lurzati eraikigarriaren erosketagatik (1.049.020 euro) eta aipatutako eremuaren aprobetxamenduaren %10agatik (527.309 euro) zeuzkan zorrak konpentsatutzat ematen ditu.

Aipatutako hitzarmenaren ondorioz, 2015eko ekainaren 22an Sozietateak eta Visesak (Etxebizitza publikoaren sustapenean eskumena duen Eusko Jaurlaritzako erakunde publikoa) Konpromisoen Akordio bat sinatzen dute. Horrela, Sozietateak Visesari eskualdatuko dio La Floridako lursailen jabetza eta Visesak trukean Etorlurren alde eskualdatuko du jabetza osoan Zestoako Iraeta eremuaren lurzoru (262.840 m²) eta gutxi gorabehera 92.125,10 m²-ko azalera bat Antondegi hirigintza-eremuan.

2015eko ekainaren 12an Hiri-Antolamenduko Plan Bereziaren behin betiko aprobazioa publikatzen da, non jasotzen den etxebizitzaren %100 babes publikokoak izatera pasatzen dela (hasera batean etxebizitzaren %60 librearik zirelarik) eta non definitzen den Hernaniko (HI) FL08- La Florida arearen hirigintza-araubidea.

Halaber, 2016ko ekainaren 27an, Sozietateak Hernaniko La Florida (HI) areako Hirigintzako Jarduketa Programa (HJP), Adostasun-Hitzarmena, Adostasun-Batzordea, Birpartzelazio-Proiektua eta Hirigintza-Proiektua idazteko zerbitzuak, aldi baterako enpresa elkarte osatzen duten Arkigest Estudioa, SL eta Asmatu, SLP-ri esleitzen dizkio. 2017 ekitaldian, Arkigest Estudioa, SL eta Asmatu, SLP enpresek (ABEE La Florida) hirigintza dokumentu hauen idazketarekin jarraitu dute.

Sozietateak eta Visesa-Orubidek sinatutako aurre-akordioa betetzeko, 2017ko maiatzaren 31an, Administrazio Kontseiluak erabaki du, “Hernaniko La Florida auzoan, lehen Amr Refractorios enpresak okupatzen zuen lursailen hondeatuko diren materialen karakterizazioaren txostena idaztea” zerbitzu kontratua, Geyser HPC, SAU enpresari esleitzea.

Azkoitiko “Intsausti” A.U.13 eremuan sartutako lurzoru ere, Sozietatearen aktiboa da. Lurraren aurreko jabearen aurka 2013an Sozietateak eta Azkoitiko Udalak ezarritako epai prozesua, kontratuan ezarritako akordioak ez betetzeagatik, 2014an amaitu zen akordio batera iritsi ondoren. Akordio hori eskritura publikoan jaso zen 2015eko urtarrilaren 15ean.

Gaur egun, bi alderdiak hiri-garapen programa berri bat diseinatzen dihardute.

▪ **IKERKUNTZA ETA GARAPEN ARLOAN GAUZATUTAKO JARDUERAK**

2017 ekitaldian zehar alor hauetan ez da ekintzarik gauzatu.

▪ **AKZIO PROPIOAK**

Ekitaldian zehar, Sozietateak inoiz ez ditu bere akzioak erosi edo eduki.

▪ **ITXIERAREN ONDORENGO GERTAERAK**

Ekitaldia itxi ostean, ez da gertaera ekonomiko-finantzario nabarmenik izan, bere garrantziagatik sozietatearen egoera finantzario edo egoera orokorrean eragin nabarmena izan lezakeenik.


GA

MIREN AINHOA AIZPURU MURUA andreak eta ALFONSO ACARRETA RODRIGUEZ jaunak, ETORLUR GIPUZKOAKO LURRA, S.A.U. sozietateko lehendakari eta idazkari gisa, hurrenez hurren, adierazten dute beren sinadurak Sozietate horren urteko kontuak eta kudeaketa-txostena (2017ko ekitaldikoak) osatzen dituzten orrialde guztietan estanpatu dituztela.

Era berean, gainerako administratzaileak ados daude aipatutako urteko kontuen eta kudeaketa-txostenaren formulazioarekin. Horregatik sinatu dute dokumentu hau.



Izp.: Miren Ainhoa Aizpuru Murua And.
N.A.N.: 08.924.311-N




Izp.: Aranzazu Ariztimuño Larraza And.
N.A.N.: 33.448.893-Q




Izp.: José Francisco Plazaola Muguruza Jna.
N.A.N.: 15.226.005-M




Izp.: Mónica Pedreira Lanchas And.
N.A.N.: 44.135.382-S




Izp.: Pello Gascón Arambillet Jna.
N.A.N.: 15.251.288-B




Izp.: José María Pozas Rubalcaba Jna.
N.A.N.: 13.663.863-T




Izp.: Xabier Arruti Olazabal Jna.
N.A.N.: 34.090.786-W




Izp.: Joseba Iñaki Labaka Beristain Jna.
N.A.N.: 34.088.514-F



Izp.: Miguel Ángel Crespo Rico Jna.
N.A.N.: 15.935.504-T



Izp.: Mikel Durán Gonzalo Jna.
N.A.N.: 72.466.431-D



Izp.: José Miguel Ochoteco Aguirre Jna.
N.A.N.: 15.232.454-Z

Donostian, 2018ko martxoaren 22a.